

Cumegn Albula/Alvra

Procedura d'approvaziun dals plans per installaziuns a current ferm

Exposiziun publica dals plans

Project nr. L-0158132.9 50/11(16) Conduct da kV tranter Filisur – Casti (L1802) cun sin la spunda: Viafier retica (66 kV) e OEAL (11 kV) mintgamai 1 sistem en il dretg d'utilisaziun – mesiras da segirezza e da sanaziun dal conduct al liber da la part pitga nr. 42 (2 765 571, 1 170 057) fin pitga nr. 49 (2 764 489, 1 169 937) en il territori da la bova da Brinzauls Coordinatas: 2765571 / 1170057 suenter 2764489 / 1169937

A l'inspecturat federal d'installaziuns a current ferm è vegnida inoltrada la dumonda d'approvaziun dals plans ch'è menziunada qua survart.

Dumonda da: **Axpo Grid AG, Parkstrasse 23, 5401 Baden**

Exposiziun publica

Ils documents da dumonda vegnan exponids publicamain dals 20 avust 2026 fin ils 21 settember 2026 en la administraziun communal da la vischnanca Albula/Alvra, u pon vegnir consultads en furma electronica sin: <https://esti-consultation.ch/pub/7679/a0c615c6a8>.

Relevants èn mo ils documents ch'èn exponids en la vischnanca menziunada qua survart.

La dumonda suttamessa cumpiglia las suandantas dumondas per autorisaziun(s) excepziunala(s) / permissiun(s) excepziunala(s):

- Permissiun excepziunala per edifizis e stabiliments ordaifer la zona da construcziun en il senn da l'art. 24 ss. da la Lescha federala davart la planisaziun dal territori (LPT; CS 700)
- Permissiun da runcar en il senn da l'art. 5 al. 2 da la Lescha federala davart il gaud (LG; CS 921.0)

L'exposiziun publica chaschuna in scumond d'expropriaziun tenor ils artitgels 42 fin 44 da la Lescha federala d'expropriaziun (LExpr; CS 711). Sche l'expropriaziun tanghescha contracts da locaziun e da fittanza che n'èn betg prenotads en il register funsil, ston las locaturas ed ils locaturs communitgar quai a lur locatarias e locataris resp. las affittadras ed ils affittaders a lur fittadinas e fittadins immediatamain suenter ch'ellas ed els han survegni l'avis personal. Plinavant ston ellas ed els infurmar l'exproprianta davart talas relaziuns da locaziun e da fittanza (art. 32 al. 1 LExpr).

Protestas

Tgi ch'è partida tenor las prescripziuns da la Lescha federala davart la procedura administrativa (LFPA; CS 172.021), po far protesta durant il termin d'exposiziun tar l'Inspecturat federal d'installaziuns a current ferm, Projects, Luppmenstrasse 1, 8320 Fehraltorf.

Questa protesta po vegnir inoltrada u en scrit u sin via electronica. En quest ultim cas sto la protesta ademplir las directives davart las inoltraziuns electronicas e sto tranter auter cuntegnair ina suttascripziun electronica qualifitgada (cf. art. 5 fin 7 da l'Ordinaziun davart la comunicaziun electronica entaifer ina procedura administrativa [CS 172.021.2]). Tgi che na fa betg protesta entaifer il termin, è exclus da l'ulteriura procedura.

Tgi ch'è partida tenor las prescripziuns da la LExpr, po far valair durant il termin d'exposiziun tut las dumondas tenor l'artitgel 33 LExpr. Quai èn principalmain:

- a. protestas cunter l'expropriaziun;
- b. dumondas tenor ils artitgels 7–10 LExpr;
- c. dumonda d'ina prestaziun en natiralias (art. 18 LExpr);
- d. dumonda d'ina extensiun da l'expropriaziun (art. 12 LExpr);
- e. l'indemnisaziun d'expropriaziun dumandada.

Obligads d'annunziar pretensiuns entaifer il termin da protesta èn er las locatarias ed ils locataris, las fittadinas ed ils fittadins sco er las possessuras ed ils possessurs dals dretgs da servitut e las credituras ed ils crediturs cun dretgs persunals prenotads. Ils dretgs da pegn e las chargias funsilas che garanteschon per in bain immobigliar che duai vegnir exproprià, na ston betg vegnir annunziads, ils dretgs da giudida mo, sch'i vegn pretendì ch'i resultia in donn pervia da la retratga da l'object da giudida.

Inspektorat federal d'installaziuns a current ferm
Projects
Luppenstrasse 1
8320 Fehraltorf

*Uffizi d'energia e da traffic dal Grischun
Partiziun per la producziun ed il provediment d'energia*